

四川通志卷二十七

輿地志

二十六

關隘

書謹郊圻之畫易垂設險之文思患豫防聖人盜
戒古來關隘之設蓋所以察奸慝以固深阻也區
域有關以別疆界阨塞有關以備寇盜要衝有關
以詰奸宄慎固封守民氓之保障繫焉蜀稱天險
又當西域孔道疆索半羌獯而三蜀之民五方錯
處其俗尚輕易淫佚柔弱褊阨實人剽勇自古已

然左思賦曰廓靈關以爲門包玉壘而爲宇又曰
一人守隘萬夫莫向不僅言蜀之外戶嚴外區狹
也我

朝撫有函夏東西朔南聲教四達遠人來驩視道若咫
遐荒絕徼悉隸版章陟萬里者如遊庭戶誠不必
侈丸泥之封以據險扼要而夔巫劍閣左擔之道
宵崖千盤危棧百折其閒因山爲障臨谷爲寨亦
各相地立防不忘警備用以樹藩屏而嚴襟帶益
足覩太平有道之長同天無極矣志關隘

成都府

成都縣

附郭

沱江鎮在縣北

蠶此鎮在縣北學射山下

天回鎮在縣北天回山下

華陽縣

馬軍寨在縣東南三十五里明置巡司今裁

均審鎮在縣界

太平場鎮在縣界

國朝初置巡司今裁

雙流縣

招攜鎮

木馬鎮

籍鎮

麗江鎮在縣西南接新津新穿鎮

縣志元豐九域志云廣都縣招

攜木馬籍麗江四鎮宋熙寧五年廢籍縣入廣都
卽籍鎮也今在仁壽華陽界其三鎮舊志云失考
按唐咸通十一年南詔攻成都遁還阻新穿水中
和二年西川將高仁厚討阡能過川口新津砦下
告諭之按此實邑南重隘也

溫江縣

全節鎮在縣界

新繁縣

清流鎮在縣界

河屯鎮在縣界

金堂縣

古城鎮在縣東南

九域志金水縣有唐化三州常樂白芳三節柏茂六鎮方輿勝

覽懷安軍縣二而鎮九以縣而言金堂爲大以鎮而言古城爲富諺謂軍不如縣縣不如鎮

眞多鎮今無考

牟池鎮

柏茂鎮在縣東柏茂山下近簡州之柏茂山故名

下市鎮在治南古佛洞側卽宋三州鎮

新都縣

彌牟鎮在縣北三十里接漢州界

國朝雍正七年置巡司今裁

軍屯鎮在縣界

郫縣

犀浦鎮在縣界

馬街鎮在縣北

雍店鎮在縣界

崇寧縣

關隘無

灌縣

玉壘關在縣西北

方輿勝覽在玉壘山下乃番夷往來之衝亦曰七盤關舊志唐

貞觀初建

蠶崖關在縣西北四十七里其處江山險絕鑿崖

通道有如蠶食故名漢于此置縣後廢

寰宇記後周天和二

年立西北與汶川縣接界舊志關在岷江之北當松茂驛路之衝宋熙寧五年重建元末燬于兵明置巡司今廢關外有宋時所置蠶崖市夏夷互易之地

鹽井關在縣西南沙河北

水西關在白沙河南

獠澤關在縣西南一百里

蒲村鎮在縣界九域志縣有導江蒲村唐興三鎮有蒲村場

白沙河鎮在縣西北

國朝雍正七年置巡司今裁

虛閣棧道在縣西十里

石筍閣道在縣西二十五里

龍洞閣道在縣西三十里

三奇戍在縣西唐貞元中韋臯使鎮靜軍使陳洎
統兵出三奇路伐吐番卽此

彭縣

靜塞關在縣西北唐志彭州有靜塞關

三交鎮在縣西北

白石溝鎮在縣北六十里明置巡司今裁

簡州

陽安關在州西南三里依山爲之

龍泉鎮在州西北十里卽古靈泉縣明置巡司

國朝康熙中裁雍正七年復置

江南鎮在州東

洛帶鎮在州西

石橋井在州界設有州判

上流井鹽課司在州北十里今裁

崇慶州

清溪關在州西八十里宋置亦曰清溪口其旁兩

山峙立上合下開名百家門門內二里有天生橋
以兩山相接如橋也明置巡司今裁

乾溪鎮在州西南二十里唐中和二年西川叛將
阡能等作亂陳敬瑄遣楊行遷等擊之戰于乾溪
卽此

懷遠鎮在州西昔爲吐番出沒之地設有巡司今
裁後置州同

新津縣

新穿鎮在縣東北四十里其地有新穿水唐咸通

四庫全書
卷二十七
十一年南詔寇成都遁還至雙流阻新穿水造橋

卽此

方井鎮在縣界

漢

州在州東南十五里關下有渡卽湔綿二水

三水關在州東南十五里關下有渡卽湔綿二水

合流處明置巡司今裁

白楊林鎮在州東後唐長興三年董璋謀襲孟知

祥入西川境破白楊林鎮卽此

什邡縣

高境關在縣北六十里關外卽章洛山

王村鎮

馬脚鎮

吉陽鎮

楊場鎮

重慶府

巴縣

附郭

銅鑼關在縣東三十里有銅鑼峽設關故名

南平關在縣南一百五十里南陽江明萬歷中奢

四川通志 卷三十一
崇明陷重慶進攻合州石砭宣撫女官秦良玉討

之營于南平關扼賊歸路卽此

陽關在縣東永經注江水東逕陽關巴子梁江之兩岸猶有梁處巴之三關斯爲一也

後漢延熙中車騎將軍鄧芝爲江州都督治此寰宇記州東北二十里有石洞峽卽劉先主置關之所舊志今亦名石洞關

佛圖關在縣西十里卽李嚴欲鑿通汶涪二江處

爲重慶要津上有石佛像故名附明劉綎詩當年先業樹蠶叢奕葉

何堪振父風自信承家慚長子敢云報國紹元戎
兒童舊頌平蠻績父老新傳勦播功武烈謬叨綿
世澤孤忠一脈貫長虹東逐西馳歲又深凱旋駐
馬漫開襟三巴兵革龍泉迴六月烽煙鴈字沈關

塞白惟憐白髮廟廊誰爲報丹心良弓鳥盡應無
用緩整魚竿釣海潯劉時俊詩軍駐嚴關扼上頭
凭欄百里望皆周羣山翠點高低列兩水清涵上
下流地險我何妨進退城孤彼自愛羈囚一時縱
目還生喜釜底游魚可待休又讀劉綎將軍佛圖
關石刻有感詩後事宜從前事求奢會未必勝楊
酋朝中命甫三推寄闕外功旋一陣收錦字石閒
空萬古鴻名紙上重千秋邇來舊業堪追否自笑
將軍亦姓劉

國朝胡德琳詩欲趁涼風去肩輿破曉還烟分巴字水

日上佛圖關旱地悲枯稻陸程愁亂山火雲千里
色祗益鬢毛斑王爾鑒詩憑眺古渝州佛圖最上
頭四圍青嶂合三面大江流走壁來青磬淩雲度
壑舟身輕無任著俯仰信沈浮吳省欽詩累轡下
重山山容淡着嫵汪春春早生深樹辨禽語僕大
先告勞關門抗修阻刺天森石萌萬丈蔽闌櫓前
開閬利藩後按夔巫部將無五丁力盜割蓬萊股
內水激哀琴外水激曠弩設險茲必爭戰血翳洲
關隘

重慶府二

莽當時夷獠羣盜兵瞰城府大刀來一提颯爽動
風雨世靖走魑魍疆巖據龍虎太息紙錢飛殘瘡
掩黃土李天英詩石磴盤旋上雄關擁翠巒雨聲
孤寺晚風色大江寒設險防猺突臨危恥燕安董
公眞健者霜日照衣冠提督綦江路偏師搗賊巢
陣雲深箐合遺墨蘚痕交讀罷看雙劍弓藏想萬
鐃婁山關外月彷彿照旌旂

石英鎮在縣界

大洪江鎮在縣東一百里明置巡司今裁

木洞鎮在縣東九十里明置水驛於此

國朝雍正七年置巡司

白市驛在縣西六十里縣丞駐此